

***Aalisarneq Piniarneq Nunaqarfillu pillugit ataatsimiititaliap nalinnaasumik 15. september
2021-imi ataatsimiinnerata 03/2021 imaqarniliornera***

Ataatsimiinneq ingerlanneqarpoq 15. september 2021 aallartillunilu nal. 08.30.

Peqataasut:

Atassut

Anna Karen Hoffmann, Kangerlussuaq

Inuit Ataqtigiit

Agathe Fontain, Sisimiut

Naleraq

Abel Enoksen, Sisimiut

Siumut

Aqqalu Skifte, Maniitsoq

Gideon Lyberth, Maniitsoq



Ammasumik ataatsimiinnermi oqaluuserisassat:

Imm. 01 **Oqaluuserisassat akuersissutigineri**

Imm. 02 **Aningaasaqarnermut tunngasut
Immikkoortoq Sanaartornissamut pilersaarut, illuaraq garagelu
Kangerlussuaq**

Imm. 03 **Suliassat naliginnaasut
Itillimi Royal Greenland-ip tunisassiorfia pillugu siunnersuut**

Imm. 04 **Paasissutissiissutit
Siulittaasup aalajangiinera - 2021-mi Qeqqata Kommuniani Sisimiut
aqutsiveqarfiani aasaanerani ukiaanerani umimmaat pisassiissutit
agguaanneqarnerat piniarneqarnerallu pillugit aalajangiineq**

Imm. 05 **Tamalaat**

Imm. 01 Oqaluuserisassat akuersissutigineri

Aalajangiineq

Anna Karen Hoffmann apeqqutiginiarpaa ataatsimiititaliaq nunaqarfimmut tunngasuummat tamanna qanoq atorsinnaanerlugu.

Abel Enoksen ATV-nut atuinnermut tunngasumik apeqquteqarniarpoq.

Oqaluuserisassat akuersissutigineqarput.



**Imm. 02 Immikkoortoq Sanaartornissamat pilersaarut, illuaraq garagelu
Kangerlussuaq**

Journal nr. 17.20.09

Tunuliaqutaq

Kommunalbestyrelsi 2021-mut missingersuutiniq 2 mio. koruuninik immikkoortitsivoq, Kangerlussuarmi ukiuunerani piniarnermi atugassat illuaqqap garagellu sanaartorneqarnissaannut. Teknikkeqarnermut Avatangiisinullu immikkoortortaq sanaartornissamat pilersaarummik suliniuteqarnissamat Kangerlussuarmut oqaaseqaatinik piniarnikuvoq.

Maleruagassatigut tunngavissat

Qeqqata Kommunianut karseqarnermut naatsorsuuserinermullu malittarisassat.

Pissutsit atuuttut

2021-mut missingersuutini missingersuutinit oqaaseqaatini qulaani tunuliaqutaq pineqartoq naapertorlugu annerusumik paasissutissaqanngilaq. Kangerlussuarmi illuaqqamik garage-millu sanaartornissaq qanoq eqqarsaatigineqarnerseq, illuaraqarfimmi sissami imaluunniit nunap timaaniissanersaq allaffeqarfimmiit nalileruminaappoq.

Kommunip illuarai illoqarfimmut qanittumi sanaartorneqanngillat, nunalli timaani inissisimallutik, aamma illuaraqarfinni aalajangersimasuni. Siusinnerusukkut inoqarfiusuni imaluunniit illuaraqarfiusuni kommunip illuaraanik sanaartortoqarnikuunngilaq. Tamanna garage-nut aamma atuuppoq. Kommunip inoqarfiani unnuisarfiit aamma garage-t namminersorlutik ingerlatsisuniit aqunneqarnerusarput.

Kangerlussuarmi eqqaanilu vandrejhemmit aamma illuaqqat namminersortunit ingerlanneqarput, taamaalilluni kommunip illuaraataa nunaqarfimmi imaluunniit sissami illuaraqarfimmi unammillertuulissaaq. Tamanna aamma nunaqarfimmi garage-liortoqassappat atuuppoq.

Qeqqata Kommunia nunap timaani piniarfinni pitsaasuni illuaraqarpoq. Kangerlussup eqqaani nunap timaani kommuni pisuffiusumi Arctic Circle Trail-imi takornarianut illuaraqarpoq, Namminersornerullutilli Oqartussat 1990-ikkunni Qinguata kuussuani piniarfik 2-mi piniartut illuaraannik sanaartornikuupput. Illuararli taanna aserfallatsaaliorneqarnikuunngilaq massakkumullu atorneqarsinnaanani. Illuaraq taanna nutarterneqartariaqarpoq imaluunniit ingutserneqarluni.

Ukiuunerani piniarfik 3 aamma 4 pisortatigoortumik piniartunut illuaraqanngillat. Taakkunani iluaqutaasunik piniartunut illuaraliortoqarsinnaavoq. Kangerlussuup avannaatungaaniittumi piniarfik 5 nutaajusumi piniartut aamma illuaraqanngillat. Ukiuunerani piniarneq 2021-mi piniarfik 5-imi piniartoqaqqusaanngikkallarpoq, piniarfimmut illuaraqarfiusinnaasunullu aqut takivallaarmat unamminalunilu. Eqqartorneqarpoq Isortup tasiata nalaani illuaraliornikkut piniarfik 5 tikikkuminarsarsinnaasoq, assersuutigalugu kangerlummumut umiatsiamik pulalluarnikkut. Tamanna aamma piniarfinni 3 aamma 4-mi ukiukkut piniarfiusuni atuukkaluttuinnarpasippoq, Kangerlussuup kangerluata sikusarnera kingusilligaluttuinnarmat ulorianarsigaluttuinnarluni.

Kommunip illoqarfiini nunaqarfiinilu kommunip pigisaanik umiatsianik qaqitsiveqarpoq imaluunniit umiatsianik qaqitsissutit aamma umiatsiaaraleriviit piniartuniit il.il. atorneqarsinnaasut. Tamanna Kangerlussuarmi atuutinngilaq, taamaalilluni piniartuniit, suliffeqarfinniit aammalu innuttaasuniit nalinginnaasumik ujarborneqarluni. Taamaalilluni pissusissamisuginnarpoq Kangerlussuup sissaani umiatsiamik kivitsiviliornissaq umiatsiaaraleriviliornissarluni. Taannalu



umiatsiaaralerivik ukiukkut piniartunit garage-tut sannavittullu atorneqarsinnaassaaq. Tamanna soqutigintuuvuq, ukiummi kingullit ingerlaneranni piniartut arlallit umimmannik sissami aattuisarput, soorlu piniartut arlallit sissami illuaqqanik attartortartut.

Atuilluartuunissakkut kingunerisinaasai

Pisortatigut illuaraqarnissap namminersortunut unammillernissaa atuilluartuunerunngilaq. Annerpaamik qaammat ataatsip iluani atorneqartussamik pisortatigut illuaraliorneq aamma atuilluartuunerunngilaq. Piniartut illuaraannik ukiukkut aasakkullu atorneqarsinnaasunik, soorlu garage/sannavik taamatut piniartunit innuttaasunillu atorneqarsinnaassasoq atuilluartuuneruvoq. Piniarfimmut qanittumi nunap timaani illuaraliorneq atuilluartuunerussaaq, angalanermi aamma benzinamik atuinermi aningaasartuutit annikinnerussallutik.

Aningaasaqarnikkut allaffissornikkullu kingunerisinaasai

Piniartut illuaraat angineq 1 mio. koruunit missaani akeqassangatinneqarpoq, illuaraq mikineq ½ mio. koruunit missaani akeqassangatinneqarluni.

Mittarfeqarfiit illuutaasa ilaanni sissamiittumi umiatsiaaralerivimmut tulluarsaanissaq 750.000 koruunit missaani akeqassaaq.

Umiatsiaqqanik qaqitsivik 250.000 koruunit missaani akeqassalluni.

Allaffeqarfiup naliliinera

Allaffeqarfik naliliivoq piniarfik 3-mi imaluunniit 4-mi illuaraliorortoqassasoq, assersuutigalugu Tatsip Ataa-ni imaluunniit Angajortarfik-mi. Aningaasalerneqarsinnaappat Isortumi illuaraliorortoqarsinnaavoq, soorlu Qinguata kuussuani illuaraq qanoq pineqassanersoq Namminersorlutik Oqartussat paasiniaavigineqassasut.

Allaffeqarfik naliliivoq ataatsimoorussamik umiatsianut-/snescooterinut-/ATV-nut garage-liortoqarsinnaasoq taannalu Mittarfeqarfiup illuutaani sissamiittumi pioreersumiissinnaasoq. Sumiiffimmi tassani nutaamik garage-liornissaq/sannaviliornissaq periarfissaavoq. Taakkunani marluusuni umiatsianut kivitsissummik pilersitsisoqassaaq.

Innersuussut

Allaffeqarfiup Nunaqarfimmi Aqutsisunut innersuussutigivaa, 2 mio. koruunit uunga atorneqassasut:

1. Tatsiap Ataa-ni imaluunniit Angajortarfik-mi Kangerlussuup kangiani piniartunit illuaraliornermut 1.000.000 koruunit atorneqassasut
2. Kangerlussuup sissaani ataatsimoorussamik garage aamma sannavimmik tulluarsaanermi 750.000 koruunit atorneqassasut
3. Kangerlussuup sissaani umiatsianik qaqitsiviliornermi tassungalu tunngaviusumik sanaartormik pilersaarummik suliaqarnermi 250.000 koruunit atorneqassasut

Allaffeqarfiup Nunaqarfimmi Aqutsisunut innersuussutigivaa akuereqqullugu,

4. Isortumi piniartut illuaraannik mikinermik aningaasat sinneruttut atorlugit sanaartortoqarsinnaanersoq misissorneqassasoq
5. Nunaqarfinni aqutsisut Namminersorlutik Oqartussanut Qinguata Kuussuani illuaraq nutaanngilisoq pillugu saaffiginnissasut

Nunaqarfimmi Aqutsisut 4. juni 2021 suliamik suliarinninnerat

Immikkoortoq 1 kissaatiginngilaat. Immikkoortumi tassani illuaraqarnissaa kissaatiginngilaat, piffissani piniarfiusuni atuisinnaatitaanermik ilaqutariit ataasiakkaarlutik piumassammata. Nunaqarfinni aqutsisut isumaqarput, ilaqutariit ukiut tamaasa immikkoortumut piniariartartut namminneq tupermik atuinissamik kultureqareersut, aammalu taakani illuaraq tulluarnavianngitsoq.



Immikkoortoq 2 aamma 3. Tassalu garage aamma umiatsianut amoorut akuersissutigivaat, aammalu Kangerlussuarmi taamaattumik amigaateqartoqartoq isumaqatigiissutigalugu.

Immikkoortoq 4 aamma 5 eqqarsaatigalugit illuaqqat isummerfigitinnagit Namminersorlutiluunnit Oqartussanut attaveqartinnani, illuaqqat pillugit ilisimasassanik annertunerusunik kissaateqarput. Nunaqarfinni aqutsisuni ataasiinnaq illuaqqat pillugit tusagaqarnikuvoq, kisianni annertunerusumik ilisimasaqarfiginagit.

Innersuussut

Nunaqarfimmi Aqutsisut Aalisarnermut Piniarnermut Nunaqarfiillu pillugit ataatsimiititaliamut innersuussippat akuereqqullugu 2 mio. koruunit uunga atorneqassasut;

1. Kangerlussuup sissaani ataatsimoorussamik garage aamma sannavimmik tulluursaanermi 750.000 koruunit atorneqassasut
2. Kangerlussuup sissaani umiatsianik qaqitsiviliornermi tassungalu tunngaviumik sanaartormik pilersaarummik suliaqarnermi 250.000 koruunit atorneqassasut

Aalajangiineq

Illuaqqiornissamat tunngatillugu piniartut tusarniarneqassapput illuaraq sumut inissipat pissusissamisoornerussasoq.

Innersuussutigineqartut akuersissutigineqarput. Teknikkeqarnermut ataatsimiititaliamut suliaq ingerlateqqinneqasaaq.

Ilanngussat

Soqanngilaq

Imm. 03 Itillimi Royal Greenland-ip tunisassiorfia pillugu siunnersuut

Journalnr. 73.10.02.01

Tunuliaqut

Kommunalbestyrelsimi ilaasortap Abel Enoksen-ip (N) siunnersuutigivaa Itillimi tunisassiorfeqarnikkut aaqqiissutissanik takussutissaqartannginnerani tunisisarneq eqqarsaatigalugu aalisarnermut piniarnermut nunaqarfiillu pillugit ataatsimiitiliaq kajumissaarusullugu, nunaqarfinni aqutsisut peqatiserissagai Royal Greenland oqaloqatiserineqassasoq.

Siunertap una imarissagaa innersuussutigalugu oqaluuserisassatut siunnersuutigaara, Royal Greenland Itillimi tunisassiorfia qerigasuartsiveqalernissaa oqaloqatigiissutaassasoq. Taamaalluni siunissami Qeqqata Kommunia aamma aningaasarsiornikkut kaaviaartitsinerulernissaa eqqarsaataalluni.

Qeqqata Kommunia uumap siunnersuutip aningaasaqarneq innarlissanngilaa, taamaallaalli oqaloqatigiinneq nunaqarfinni aqutsisut kiisalu Royal Greenland kommunalbestyrelse-lu oqaloqatigiinneq ingerlatissallugu.

Maleruagassatigut tunngavissat

Soqanngilaq.

Pissutsit atuuttut

Atammimmi RG-p tunisassiorfiani atugassamik qeritsivimmik Kommuni pitsissisinaanersoq pillugu allaqatigiinnerit.

Tassani pineqarpoq pisortat aningaasaataat atorlugit suliffeqarfissuarmi kommerciel-imik ingerlanneqartumi atugassamik qeritsivimmik kommuni pisisinaanersoq.

Unammilleqatigiinnermut aqutsisoqarfimmiit allakkami erseqqissarneqarpoq pisortat aningaasaataat atorlugit aningaasaliinerit paasineqarpata inatsisunik uniuusuusut taamaattoqarpat aningaasaliissutaagaluit utertinneqarnissanik suliamik peqqusisoqarsinnaammat (påbud) taamaalisoqassappallu tassa aningaasaliisut aningaasaliiffigineqartullu nuanninngitsumik inissittussaasut, taamaammat aningaasaliisoqassatillugu eqqarsaatigilluaqgissaagassaasut .

Itillimi tunisassiorfik pillugu saqqummiussami inassuteqaataavoq Ataatsimiititaliamit Royal Greenland oqaloqatiginiarneqarsinnaasoq imalunniit allaffigineqarsinnaasoq.

Taamaattoq pitsaaqutaasinnaavoq APNA-p ataatsimiinnerani erseqqissassallugu kommuni imaaliallaannaq suliffeqarfinnut aningaasaliisinnaangimmat aatsaallu nalilersorluaqgissaagassaasartut inatsisit iluanni aningaasaliinneq pisinnaanersoq.

Kommunit suliffeqarfinnut aningaasaliissappata inatsisit minerpaamik marluk malinneqartussaapput ukuusut:

- Kommunit inuussutissarsiutini il.il aningaasaliinermikkut Inatisartut inatsisaat nr. 23, 18 december 2003-meersoq

-Unammilleqatigiinneq pillugu Inatsisartut inatsisaat nr. 1, 15 december 20214-meersoq

Allaffeqarfiup naliliinera

Allaffeqarfiup nalilerpaa Royal Greenland-ip ingerlataanut toqqaannartumik Qeqqata Kommunia akuliussinnaangimmat ataatsimiititaliap naliliiffigissagaa siunnersuut qanutut ingerlateriaqqinneqassanersoq, pissutigalugu tunisassiorfiit ingerlatsinerannut toqqaannartumik kommuni akuliunneq ajormat.



Innersuussut

Allaffeqarfiup APNA-mut innersuussutigivaa akuereqqullugu,

1. Ataatsimiititaliap Royal Greenland oqaloqatiginiarneqarsinnaasoq ***imalunniit***
2. Suliaq tusaatissatut tiguneqassasoq

Aalisarnermut Piniarnermut Nunaqarfiillu pillugit Ataatsimiititaliap suliamik suliarinninnera
Ataatsimiititaliap 9. juni 2021 ataatsimiinnerani immikkoortoq tullissanut kinguarinneqarpoq
siunnersuuteqartoq ataatsimeeqataaangimmat.

Innersuussut

Allaffeqarfiup APNA-mut innersuussutigivaa akuereqqullugu,

1. Ataatsimiititaliap Royal Greenland oqaloqatiginiarneqarsinnaasoq ***imalunniit***
2. Suliaq tusaatissatut tiguneqassasoq

Aalajangiineq

Innersuussut tusaatissatut tiguneqarpoq. Siulittaasup borgmesteri attavigissavaa fabrikkimi ittuusoq
naapeqatiginissaa anguniarlugu.

Ilanngussat

1. Sisimiut aqutsiveqarfiani tunitsivinnut tunisat 2019/2020
2. Unammilleqatigiinneq pillugu Inatsisartut inatsisaat nr. 1, 15 december 20214-meersoq
3. Kommunit inuussutissarsiutini il.il aningaasaliinermikkut Inatsisartut inatsisaat nr. 23, 18 december 2003-meersoq
4. Abel Enoksen-kip emailerutaa ulloqartoq 23. maj 2021



**Imm. 04 Siulittaasup aalajangiinera - 2021-mi Qeqqata Kommuniani Sisimiut
aqutsiveqarfiani aasaanerani ukiaanerani umimmaat pisassiissutit
agguanneqarnerat piniarneqarnerallu pillugit aalajangiineq**

Journalnr. 72.01.00

Tunuliaqutaq

Aalisarnermut Piniarnermullu Naalackersuisoqarfiup susassaqtunut tamanut nalunaarutaa 19. juli 2021-imeersoq.

Qeqqata Kommuniani Sisimiut aqutsiveqarfianut ukiaanerani umimmanniarnissamut umimmaat 300-it pisassiissutigineqarput.

Maleruagassatigut tunngavissaq

Namminersorlutik Oqartussat umimmaat illersugaanerata piniagaanerallu pillugit nalunaarutaat nr. 8, 27. juni 2013-imeersoq.

Pissutsit atuuttut

Sisimiut aqutsiveqarfiani aalisartut piniartullu peqatigiiffii aammalu Sisimiuni Tapertaralugu pinaluttartut peqatigiiffiat kiisalu nunaqarfinni aqutsisut tusarniaavigineqarput 75/25 %-mik pisassiissutinik avitsisarnermut allannguutissamik siunnersuutissaqarnerut.

Tusarniaavigineqartunit tulliuttut akissuteqarput:

Sisimiuni Aalisartut Piniartullu Peqatigiiffiat tusarniutigineqartumut imatut akissuteqarpoq: Umimmaat inuutissasiutigalugu piniarneqarnissaat siornatut iluseqartiinnarlugit 75/25% ajorinngilarput taamaattorli pisassat ungunngippata ukiumut kangerlussuup avannaatungaanut sinneri nuunneqarnissaat kissaatigaarput.

Sisimiuni Angallateerarsorlutik Aalisartut Piniartullu Peqatigiiffiat imatut akissuteqarpoq: Taanna siusinnerusuklut saniatingooralugu, piniartullu avitsisarnerat ajorinngilarput taamatut avinneqarnissaat innersuutingaarput.

Kangerlussuarmi nunaqarfimmi aqutsisut tuarniutigineqarumut imatut akissuteqarput: Inuutissarsiutigalugu piniarnermut allagartalinnaat pisassiissutit 75%-tii pisassiissutigineqartarput, sinnerilu 25% sunngiffimmi piniarnermut allagartalinnaat pisassiissutigineqartarlutik, tamatuma kisitsisinngorlugu 225/75 tusarniaanermi Kangerlussuarmi Nunaqarfimmi aqutsisut taperserpaat.

Aningaasaqarnikkut allaffissornikkullu kingunerisinnaasai

Ilanngussaqaqqanngilaq.

Qullersaqarfiup oqaaseqaatai

Soqaqqanngilaq

Allaffeqarfiup naliliinera

Allaffeqarfiup nalilerpaa ukiumi siuliini pisassiissutit umimmaat 300-t inuutissarsiutigalugu piniartunut pinaluttartunullu 75/25%-mik avittarnerinut 2021-mi aasaanerani ukiaaneranilu umimmanniarnissami allannguutissamik siunnersuuteqartoqaqqanngimmat allannguuteqarani taamatut avinneqassasut.

Allaffeqarfiup innersuussutaa

Innersuussutigineqarpoq aasaanerani ukiaanerani umimmanniarnissamut umimmaat 300-it pisassiissutit imatut avinneqassut:

Inuutissarsiutigalugu aammalu sunngiffimmi allagartalinnut 75/25 %-mik avinneqassasut, kisit-sisinnngorlugu inuussutissarsiutigalugu allagartalinnut 225-iussapput sunngiffimmi allagartalinnut 75-inik amerlassuseqassapput.

Siulittaasup aalajangiinera

Aalisarnermut Piniarnermut Nunaqarfiillu pillugit 28. juli 2021 ataatsimiititaliami siulittaasoq aalajangiivoq, innersuussut akuersissutigalugu

Tulliani ataatsimiititaliaq ataatsimiilerpat suliaq pillugu paasissutissiissutigineqassaaq

Innersuussut

Ataatsimiititaliamut paasissutissiissutigineqarpoq.

Aalajangiineq

Paasissutissiissut tusaatissatut tiguneqarpoq.

Ilanngussat

1. 2021-ip aasaaneranut ukiaanerannullu tututassiissutit umimmattassiissutillu pisassiissutit piffissaliussallu pillugit Aalisarnermut Piniarnermullu Naalakkersuisoqarfiup susassaqtunut tamanut nalunaarutaa 19. juli 2021-imeersoq.
2. Namminersorlutik Oqartussat umimmaat illersugaanerata piniagaaneralu pillugit nalunaarutaat nr. 8, 27. juni 2013-imeersoq.
3. SAPP-p oqaaseqaataa.
4. SAAPP-p oqaaseqaataa.
5. Kangerlussuarmi nunaqarfimmi aqutsisut oqaaseqaataat.

Imm. 05 Tamalaat

Anna Karen Hoffman-ip eqqaavaa ataatsimiititaliap taaguutaa Nunaqarfimmut tunngasoq qanorpiaq imaqarnersoq nalornissutigisarlugu ataatsimiititalianut allanut kasuluuttarmat. Stabschef akissuteqarpoq.

Abel Enoksen apeqqutigivaa ATV-nut atuinermut tunngasoq qanoq inatsiseqarnersoq nunat timaani atuneq eqqarsaatigalugu. Stabschef akissuteqarpoq.

Agathe Fontain kaammattuivoq Inatsiartuni oqaluuserisassaq imm. 96 tutunut sammisoq malinnaaffigineqassasoq.

ataatsimiinneq naammassivoq nal. 10.14